



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Medicorum Orthodoxorum Patrono.

QUÆSTIO MEDICA*,

CARDINALITIIS DISPUTATIONIBUS

*manè discutienda in Scholis Medicorum, die Jovis vigesima-nonâ
mensis Martii, anno Domini M. DCC. LXXXI.*

M^o. JOANNE-BAPTISTA LANGLOIS, Doctore Medico,
Præside, M. CAROLI-NICOLAI D'ESLON, Doctoris Medici,
vices gerente.

An adeo miserè vivat, qui Medicè vivit?

I.



ALETE, Artes Apollineæ, si malum malo additis. Nisi per vos
vigeat in corpore sano mens sana, iterum, Artes Apollineæ, va-
lere. Edicto irrevocabili natus inter dolores homo, brevi vivens
tempore, quàm multis opprimitur miseriis! felicissimus ille est qui
minimis urgetur. Vetat Sapiens ne quemquam viventem dixeris
beatum. Quid sit felicitas, meritò ambigunt Philosophi; hanc quærunt om-
nes, assequuntur nulli. Quid sit miseria, si nesciunt, sentiunt omnes; han-

* Autore M. GUILLEMO-JOSEPHO DE L'EPINE, Doct. Med. Par. Anno 1743.

arcere nocte dieque Reges Pauperesque ruricolæ satagunt æqualiter : Philosophi contemnere simulant , at mendaci eorum fastui ne credas. Beatior ille qui temporis cereus obsecundat. At hoc opus hic labor est. Corpus indefinenter fatigat dolor , hostis indefessus , acerimus. Mentem curæ præmunt & ærumnæ sollicitudinesque atque anxietates. Quis Deus nobis inter tot bella , tot hostes faciet otia ? Verè erit ille nobis semper Deus , qui artem tot mala averruncandi communstrabit. Descende de cælo , Ars benefica , quâ discent miseri mortales æquum animum & tranquillum sibi parare , corpus sanum facere , & cum sanitate longævam ætatem adipisci , mentem sanam in corpore sano servare , frui vitâ ; si lædatur , tutè & citò revalescere , mala imminetia præcavere , futura prospicere , avertere , præsentia citò citius fugare. Ecquis tunc erit miser ? Tam malè cum hominibus non erit actum : nec erunt adeò miseri.

I I.

DIC age fodes ! Nostin aliam in terris felicitatem ? mecum sumto semper pax animi , corpus sanum. Dic , amabo , quæ faciant vitam beatiorem ? Numquem cruciat intus vesicæ , dirus hospes , calculus , felicem faciunt principis favor aut Arabum divites Gazæ ? Num beatus ille qui sanus corpore medias inter opes inops laborat turpis avaritiæ vitio , torquetur ambitione miser , iracundus percnni furore tanquàm furii exagitatur , vesano amore ebrius æstuat ? Næ ! Quis non talem sibi deprecetur felicitatem ? At quis potest justam hanc corpus & animi inter sperare concordiam ? Bene se habet unum , alter lædatur : interdum vexant se mutuo : miser sic homo pacem inter utrumque citò & harmoniam reducere satagat , sic erit beatus. Verùm quis tantæ pacis sequester , quis arbiter ?

I I I.

EN præstò Medicina ; non Deus è machinâ , sed re-*verà* cœlestè donum. Quàm malè est extrâ illius legem viventibus ! Quàm benè iis qui ipsi morem gerunt ! Vis exemplum ! Attende ad homines omnium , si qui sint , miserrimos , scilicet qui graviter & periculoso morbo laborant. Si delirant aut phrenesi corripuntur , beneficentissimam inscii experiuntur : si sani mentè , sperant semper reviviscere : si morti certæ destinatis necessariò sit pereundum , fati festinantis duram necessitatem Medicinæ adjutricis ope retardare confidunt : dolores mitigari gaudent : dulcius tandem moriuntur. Cave , credas (ut multi) tot malorum causam esse Medicinam : ante Medicinam malorum incubuerat ilias teris , sola spes , sola nempè Medicina remansit in fundo pixidis Pandoræ : non est ergò malorum causa dolorumque Medicina : malis jam factis doloribusque (sæpe sapius ob sui neglectum natis) lenimentum , solamen affert sine fine benefica : leviter laboranti gravius imminens prævertit malum , præsens breve facit. Paulò gravius afficitur æger à Quò magis in fervendis Medicinæ cistis sedulus , eò periculi securior & salutis suæ certior. Jamne periclitatur & de eo ferè conclamatum est ? Una salus nullam nisi à Medicinâ & religiosâ illius observantia salutem sperare : certò moriturus necdum inutilem experitur in ultimo agone Medicinam. Tormenta , cruciatulque pereuntis sopiendo , fatalem horam protelare est efficax. Sic imminetis tardat lethi gradum medicè vivens , sic juventutem vegetiorem reddit , senectutem tacito pede properantem moratur , ex morbo sanabili tutius evadit , secu-

ritus convalescit; insanabilem facilitas tolerat; vix perferentis: imò sanus factus aut natus, felicius vivit & fruitor omnibus cœli, aquarum & terræ muneribus.

I V.

ERGONE ad esuriam nasceretur homo, abstinentiâ macerandus, fame enecandus? Bona verba, quæso absit, ut tam injuriosè de optimo nostram omnium Parente Deo M. sentiamus. Imò soli sano Medicè viventi tot bonis per univèrsum orbem regali munificentia effusus frui datur: ipsi uni promittitur longæva ætas super terram. Solus Medicè vivens salubrem aspectum solis salutiferamque ventorum persultationem in habitationem sibi eligeret datus hospes: solus maleolentem, putidum, crassum, mucidum, sicciorum, urentem aërem aut vitabit aut corrigit, facietque propitium. Cibum exquisitiorum, (si adsit) & palato gratiorem non aspernabitur. Deerit? Deteriorem sobrietate beneficium reddet. Gnarus Deum Omnipotentem idèò saporem indidisse edulibus ut salivam moverent, quæcumque ad palatum non facient, respuerit illic, & meliora gustabit, (nec faginans stomachum) nondum cessante edendi voluptate (iterum reditura) cessabit opportunè sapiens. Tantamne à temperantiâ voluptatem sperares? Hæc tamen vera est & sola voluptatum magistra: has illius expers brevi amittas. Est in & ipsis fruendis ars soli medicè viventi cognita; illi soli cibum quemcumque condiet fames nunquam defutura, si expectata: sobrio illius & abstemio palato, nec siderato fluent quæcumque nectaris aut nativi aut arte factitij, & ambrosiæ rivi ex quocumque solo, ex quacumque tellure, qui jucundè sitim non proritatam compescunt: lassitudinem supervacaneam fugiens non reformidabit necessariam, & sic exercitio moderato voluptatem novam sibi parabit, vividiorumque ad repetendos cibos lucrifaciet appetitum: sic digestionis utilem operam dabit, providebit nutritioni opportuna, favebit egestionis: legitimè tantum excernenda è corpore doctè eliminabit, retinenda doctior servabit: nec gracilis errore vitæ, nec nimis obesus, animi perturbationes suæ quieti & tranquillitati (necessariæ ad bonè beatèque vivendum) insensas à se exulare jubens sibi ita implebit ut rationi ex æquo, ut par est, serviant. O felices nimium, suam si rationem norint homines, si ipsi auscultare & obtemperare velint! sola dat vera gaudia, nullam unquam poenitentiam corrumpenda: doctrinam voluptatum ipsa proficitur genuinam.

V.

DICET forsan morosus aliquis: quid mihi cum Medicinâ? Benè valeo: bibo; cum sitio; epulor, ubi esurio; ambulo, coeno, semper præsto fames: mecum læso componitur, mecum manè evigilat: interdum ludo, interdum laboro: dum lubet vigilo, dormio quandoque, nec idcirco res mihi cum Medicis ulla. Cum Medicis? Esto: at cum Medicinâ plurimum: ecquid gloriaris? Hæc ipsa est & vera & genuina Medicina: naturam sequeris ducem, Medicè vivis & nescies! Putabas igitur Medicinam astringere indiscriminatim iisdem legibus & sanos ac ægrotantes? Ne te decipiat tam ridiculus error. Omnia sana sanis: at est sanis diæta, altera causariis, male sanis altera. Medicina omnibus ad bonè beatèque vivendum dux utilissima, nec sapiens aspernabitur eam. Docet bonis uti opportunè: bona usu meliora reddere, mala præcavere aut corrigere, pati quidquid corrigere est nefas. Sic hominem beat Medicina. Audias HYPOCRATEM.

4

Romanum. « Qui sanus est & suæ spontis nullis obligare se legibus debet... hunc
» oportet varium habere vitæ genus, modò ruri esse, modò in urbe, sæpiusque
» in agro; navigare, venari, quiescere interdum, sed frequentius se exercere:
» siquidem ignavia corpus heberat: labor firmat; illa maturam senectutem, hic
» longam adolescentiam reddit. Prodest etiam interdum... nullum cibi genus
» fugere quo populus utatur, interdum in convivio esse, interdum ab eo se retra-
» here: modò plus iusto, modò non amplius assumere: bis die potius quàm
» semel cibum capere & semper quàm plurimùm, dummodo hunc concoquat...
» concubitus verò (*legimus*) neque nimis concupiscendus, neque nimis perti-
» mescendus est: rarus corpus excitat, frequens solvit: cum autem frequens
» non numero sit, sed naturâ, ratione ætatis & corporis scire licet eum non
» inutilem esse quem corporis neque languor neque dolor sequitur; idem inter-
» diu pejor est, noctu tutior... Hæc firmis servanda sunt, cavendumque ne
» in secundâ valetudine adversæ præsidia consumantur. » Hisne præceptis homi-
nes fieri miseros autumas? Si loquerentur adhuc Delphi, pronuntiarent.

Ergò non adeo miserè vivit, qui Medicè vivit.

Proponēbat Parisiis NICOLAUS-FRANCISCUS LAVERNE, Catalaunus;
Doctor Medicus Remensis, necnon Saluberrimæ Facultatis Parisiensis
Baccalaureus, A. R. S. H. 1781.

AB OCTAVA AD MERIDIEM,